

綦江縣志

卷
六 五

綦江县志卷之五

署邑令花城宋 灝总修

邑举人春堂罗 星编辑

兵制 武备

《华阳国志》：「武王伐纣，实得巴渝之师，歌舞以凌殷人。」世称之前歌后舞。及汉高定天下，亦以渝水左右民，为汉前锋。帝嘉之，令合乐教习。左思所云：「锐气剽于中叶，蹻意举足高貌。容世于乐府也。」顾辅应运，则力足以开疆；而际末流，则祸几于殄族。唐宋之世，未暇细详。其在明之季年，视他处为更惨烈。良以地当滇黔孔道，贼所必争。一陷于播酋，再破于蔺逆。至流贼孙白等之往来蹂躏，城郭破碎，乡里邱墟。每抚遗编，慨然增太息已！我

朝削除乱逆，平定伪藩，拯民水火之中，还师社席之上，海宇清肃，人民又安。兵制自省会以至郡县，大小相驭，内外相维，间有狂民，自甘夷灭。万世苞桑之固，非三代所能及也。志《兵制》。

宋太祖开宝八年，置渝州怀化军。巡遏将皆州县调补。其户下率有子弟客丁，遇寇警责办土户。

仁宗嘉祐中，补宾化县夷人为义军正都头副把截将，小节级共请给节制，大率如渝溱。英宗治平元年，诏怀化军溱州巡遏把截将，岁支料盐襖子。

高宗绍兴中，夔路安抚使奏南平军夷，透漏入恭州。旧以土丁为把截，诏帅臣相度。请以清溪寨主户，逐名家业钱多少，均定合置。

土丁二百名。内选材勇为把截将。

元世祖三年平蜀，复立万户府及千户所，以统军士。置重庆五路，守镇万户府。凡万户府以兵籍系军机重务，汉人不阅其数。虽枢密近臣，职专军旅者，惟长官一二知之。故有国百年，而内外兵数之多寡，人莫有知之者。成宗大德七年，以行播州军民使杨汉英为绍庆、南平等处沿边宣諭司。

明置都指挥使司，以领卫所。大率以五千六百人为一卫。一千二百一十六人为一千户所，又照减为百户所。各卫所官军，分番教阅。有大征伐或量调各土司兵，听官兵头领，节制指使。置重庆一卫五所，隶本府州县。

洪武三年，诏四川立民兵万户。简民间武勇，教之技击。编队伍时操练。

計綦江民兵凡一百一十八名。每岁霜降后督捕厅于北关外演武厅点阅。护守仓库城池，以戒不虞。甲申后厅废。

国朝顺治十五年，设总督四川军务部院一员，驻扎重庆。后奉裁。

康熙十八年，于夔州移驻总兵官于重庆，为重庆镇标中左右三营。游击二员，守备三员，千总六员，把总十二员，外委十八员。綦江拨重庆镇兵分防。县城及赶水镇，置有分汛，以资保固。今赶水汛久裁，惟设重庆镇标中营分防綦江县，外委把总一员。

原额马步战守兵五十名。平邪匪后，兵多抽拨。现在实存守兵五十名。

道光二十二年，新设分防石壕汛。外委把总一员，带领马战守兵十八名。

同治二年补修

城防：

增高旧城五尺，

周围走马墙六百二十丈，

女墙七百二十六，

堆卡三十所，

大炮台十三座，

小炮台二十五座，

东门甕城一座，

北门甕城一座，

东门水路一道，

后街官井二口，

南门千斤榨一具，

大将军炮一尊，

二将军炮一尊，

三将军炮一尊，

冬瓜炮十尊，

牛儿炮十尊，

大铜炮六尊，

小铜炮五十二尊，

劈山炮二百零六尊，

木炮二十尊，

石炮一千元，

火箭二箱，

火弹二千，

台枪二百二十桿，

喷筒一百个，

鸟枪五百桿，

营枪一千二百桿，

挠钩三百根，

矛桿三千根，

铁火龙四十桿，

搅牌一百桿，

牛角叉四百五十柄，

顺刀一千三百五十把，

月亮刀三百把，

战箭二千支，

五色旗四百八十首，

灰瓶四万枚，

火鑽六千枚，

火药三万九百五十斤，

锅帐一百副，

右除将军炮三尊，系前令邓仁坤铸。此外，一切均现任杨铭筹办。

寨堡：

沅山寨、

刘罗坪寨、

古剑山寨、

琵琶山寨、

右四寨极险峻，约可驻七八十万人。其余大小寨不下二百处。军械整齐，粤逆三至，不敢逼近。

团练：

五里内一律设团，登册查点，通共三百余团。无事各散归农，有警协防要隘，由官调遣。防贼出境，则由局给发口食军火。

武备

宋史：神宗熙宁三年，转运使孙固，平渝州三族蛮，盖唐南平獠音聊，西南夷谓之獠也。其地西接乌蛮、昆明，大小播州部族数十居之。治平中，熟夷李光吉、梁秀等三族居之。各有众数千家，向以威势胁诱汉户，劫边民。官军捕，辄遁去，习以为常。密赂黠民，覘守令动静，稍筑城堡，繕器甲，远近患之。熙宁三年，转运使孙固判官张洸，章，致言也，向也。使兵马使冯仪，以祸福开谕。因进兵，复宾化寨，平荡三族，以其地赋民，凡得租三万五

千石，絲綿一万五千兩。以賓化寨為隆化县
隸涪州。建業懿、扶歡兩寨。其外銅佛坝者
隸渝州南川县，地皆膏腴，自光吉等平他部
族据有之。朝廷因補其土人王才進為巡檢，
委之控扼。才進死，部族无所統，數出盜边。
朝廷命熊本討平之，建為南平軍，以渝州之
南川、涪州隆化隸焉。

《通鑑》：渝州南川獠木斗叛，詔熊本安撫之。本
進兵銅佛坝，注：在南川县南也有金銅佛像二。相傳為唐明皇所鑄。破
其众，木斗奔漆州。注：唐置。宋為羈縻州，后改為崇懿等寨。地在
重慶府慈溪縣南，接邊義府界。地五百里來歸，為四寨九堡，
建銅佛坝為南平軍。詔本還知制誥。

《后鑑錄》：正德四年，眉州人劉烈起為寇，所至
劫掠，人民驚恐。烈死，保寧賊兰廷瑞起，
自稱順天王。其党廖麻子稱掃地王。众十余

万，蔓延川境。巡抚林俊勒兵剿之，旋扑旋聚。至正德六年，余党方四、任翥子、麻六儿等寇綦江。官兵败之，追至东乡摇撼坝。贼乃从贵州还，寇四川。

旧志载：嘉靖四十四年，大足妖人蔡伯贯，以白莲教惑众，分遣其徒，至诸郡属州县，预登愿从者姓名，授以伪官，约日举事。安居、定远、荣昌、合州俱被残破。巡抚刘自强临渝视师，上下戒严，大集兵芻力剿，半年，罪人始得。妖党陈四蛮为綦江典史廖珊射中，墜马而死。

《明史》节彙播贼残綦事略：播州即遵义府，秦为夜郎且兰地。汉属牂牁。唐贞观中改播州，乾符初，南诏陷播。太原杨端应募，复其城，为播人所怀服。历五代，子孙世有其地。

宋开禧初曰杨璨。璨之子曰价。大观中曰文贵。元世祖时曰邦宪，为宣慰使。其子曰汉英，封播国公。

明洪武五年曰鏗，袭宣谕使。鏗弟曰倚，鏗子曰昇，永乐时袭职。正统时曰杨綱。其子曰辉，承袭。辉子曰爰。爰兄曰反，忤奏不协。正德二年曰杨斌。爰之子陞四川按察使，仍理宣谕事。斌之子曰相。相之嫡子曰烈。庶子曰煦。隆庆五年，烈子杨应龙袭职，渐骄恣。

万历十八年，贵州巡抚叶梦熊疏应龙凶恶诸事，巡按陈效历数其二十四大罪。时方防御松潘，调播州土兵协守。四川巡按李化龙疏请占免勘问，俾应龙戴罪立功。由是川贵巡按疏辨：在蜀者谓应龙无可助之罪；在黔者谓蜀有私

應應龍之心。十九年，夢熊主議播州所轄五司，改土為流，悉屬重慶，與化龍亦不合。
應龍本玄猜，阻兵嗜殺，所轄五司七姓悉叛。其嬖妾田屠妻張氏，妻叔張時照等上變告應龍反，夢熊請發兵剿之。蜀中士大夫以蜀三面鄰播，甚驍勇，剪除未為長策。以故，蜀抗按并主抗，朝議命勘。應龍愿赴蜀，不赴黔。二十年應龍赴重慶對簿，坐法當斬，請以二萬金贖。御史張鶴鳴方駁問，會倭寇征天下兵。應龍愿以五千兵征倭自贖。詔釋之，兵已啟行，復報罷。巡抗王繼光至，嚴提勘問。應龍抗不出，用兵之議遂決。二十一年，繼光至重慶，與總兵劉承嗣等，分兵三道，進襲山关，兵敗于白石口。繼光罢。
應龍上书自白，遣人携金行間抗原奏。何恩

指暴江县。二十二年，总抗邢玠檄重庆知府
王士琦指暴江县，趣应龙安穩听勘。应龙使
弟兆龙至安穩，治邮舍，储备粮，叩头郊迎。
言应龙缚渠魁，待罪松坎，所以不至安穩者，
恐堕安穩仇民不测祸也。幸请至松坎受事。
士琦即单骑往。应龙果面缚道旁，泣请死罪，
愿执罪人献罚金。士琦为请于玠，许之。应
龙乃缚献黄元等十二人。应龙论赎，输四万
金助采木，仍革职以子朝栋代。次子可栋霸
府追赎。黄元等斩重庆市。时朝廷有事东方，
亦以应龙有积劳，可玠奏于松坎设同知治焉。
寻可栋死于重庆，应龙益恨。分遣土目，置
关据险，厚抗诸苗，名其健者为硬手，咸愿
为出死力。二十四年，应龙残大阡等处，势
复炽。二十五年，流劫江津、南川，临合江。

索其仇袁子昇，縋城下磔之。又扰及黔境，侵湖广。川抚谭希申请于合川、綦江，各置游击一员。合江募兵千二百人，扼岡门。綦江募兵二千人，扼安穩。二十七年，贵抚江东之令都司杨国柱剿应龙，兵又覆。东之罢。乃起兵部侍郎李化龙节制川湖贵州事，调东征诸将刘綎等南征。六月，应龙乘大兵未集，勒兵犯綦江，分屯赶水。以偏师一犯南川，一犯綦江。十七日，游击张良贡遇贼旧东溪，颇有斩获。二十一日，应龙督苗兵围綦城数匝，游击房加宠误燃火砖，反伤城上兵。贼乘势登城。嘉宠帅师巷战，蜀兵争躁走水上。嘉宠乃杀其妻与良贡赴敌死。应龙因刻令纵囚焚掠，出綦库犒师，依仓就食，尽取资财子女去。老弱者杀之，投尸蔽江，而下水为

赤。退屯三溪。以綦江之三溪、母渡、南川之东乡坝，立石为播界，号宣慰官莊。声言江津、合江皆播故土。初，贼本无反意。既覆白石之师，益结九股生苗及红黑脚等苗，负岷弄兵。然犹冀如往事曲宥，而川黔督抚亦以「调兵未集」为好语縻之。会上闻綦江破，追禡两省抚臣，严旨进剿。十月，起李化龙节制四省官兵，驻重庆，而总兵官刘綎亦至。二十八年春正月，大会文武于重庆，登坛誓师，八路进发，谕诸将以抵娄山关为期。刘綎从綦江入，以参将麻镇等隶，参政张文徽监之。马孔英从南川入。吴广从合江入。曹希彬从永宁入。黔兵亦分三路进。二月十二启行，十五日刘綎进兵綦江，连破三峒。綦自东溪入播并险阻，楠木、山羊、兰台三

綦素奇險。賊首穆紹等盤踞，綦力戰，竟之。
三月，楊朝棟統苗兵分道迎敵，鋒甚銳。苗兵夾击，綦身自陷陣。苗大驚曰：「劉大刀至矣。」棟潰围走，几为綦获。初，陷綦江诸苗，自分屠綦慘戮，罪不赦。又应龙憚綦威名，冀棟首挫其鋒，属朝棟曰：「尔破綦江，驰南川，尽焚积聚，余无能为也。」及朝棟仅以身免，綦遂胆落。二十九日，刘綦战九盘，先入娄山关。四月朔，追奔至养马城，诸军渐合，连破龙爪海云等隘，压海龙围而垒。贼见势急，父子相抱哭。时八路兵大集海龙围下。五月十八日，始筑长围，更番迭攻。时天苦雨，将士驰淖膏，泥也。中苦战。六月四日，天忽开朗，綦身先士卒，进克土城，诸苗骇散。贼提刀自巡垒，见四面火光烛天，泣语。

妻子曰：「不复能相顾矣！」初十日早，官兵相率遂登围，破大城入。应龙同爱妾二合室自缢，且自焚。吴广获其子朝栋及妾田雌凤。急覓贼尸出燭中。广中火毒，几绝复甦。计出师至灭贼，百十有四日，费踰一百万，八路兵共斩二万余级，生获朝栋、兆龙等百余人。播贼平，总督露布，以闻刘綎为军功冠。十二月，献俘阙下，判寸呼，所也，斩截也应龙尸，磔朝栋等于市。分播地为二：送义属蜀，平越属黔。播自唐入杨氏，传二十九世八百余年，至应龙而亡。考录《明史纪事本末》。

旧志载：万历二十二年甲午春，参将郭成、总兵刘承嗣，统兵征杨应龙，万灶云屯，偏师失律。至白石口败绩，殒于兵及者数千，郭成仅以身免。事闻皇上，命制府剿抚，屢遣